

Fida Nyamesemka: Ayewoho 26, 2013.
(Friday sermon – 26th July, 2013 – Fante Translation)

HOM NDZI KURAN KRONKRON NO NE MBRANSEM DO.

“Ka de, hom mbra, mebekenkan akyere hom adze a hom Ewuradze No aye no ekyiwadze ama hom no; onye de, mma hom mmfa ohokafo biara mbata No ho nnsom no, na afei hom nye ayemuyie kese mfa mma hom awofo na mma hom nnkumkum hom mba onam ohia ho suro ntsi. Hen na Yema hom ehiadze nyinara onye hon so- na mma mpinkyen ndwuma ho, se oda edzi so o! se onnda edzi o! afei mma hom nnkum okra biara a Allah aye no kronkron ama hom, gyede hom wo ho kwan. Iyi dze Woye no ahyedze ama hom, kyerekyere hom benya ntseasee a.

Na mma hom mmben agyankaba egyapadze ho, gyede onam kwan a oye do, kepem de obowie nyim. Na hom nsusu na hom nker ma onye peperepe wo kwan pa do. Yemmfa adzesoadze nnto okra biara do gyede dza obotum. Na se hom kasa a hom ndzi nokwar, se nyimpa no a ofa noho no ye busuanyi koraa mpo a, na hom nhye Allah apam no ma. Iyi nye ahyedze a Odze ama hom de mbre obeye ma hom bekae.

Na ka de, Iyi nye nokwar no a otsen no. Ntsi hom nda no edzi na mma hom nndzi akwan fofor bi ekyir, ono obotwe hom efi No kwanpa no ho. Iyi nye ahyedze a Odze ama hom ama hom dze suro aye ahweyie abo hom ho ban efi bon ho” (6:152-154).

De mbre yekyeree mu wo Fida Nyamesemka no a etwa mu no, Ramadhan bosoom no onye Kuran Kronkron no wo nkitahidzi soronko, osiande dem bosoom yi na woyii Kuran yi kyeree. Mbom, dem nkitahodzi yi bedzi mu a gyede Kuran a yekenkan no wo bosoom yi mu yi yeye no wode yedwendwen n’akwankyere ho na yeye dem akwankyere yi hen akwankyere ne fa bi. Se ammba no dem dza, nna botae a onam do ma woyii Kuran no kyeree wo Ramadhan bosoom mu no yerennhye no ma.

Anohoba Mesia (ANN) no kaa de: Kuran Kronkron no botae nye de obedan etsirmodzen gyinabew ako supa mu na woedua ndzeyepa do ama nkorofu enya enyibuei dze esiesie nsemansema wo no kwan na ne nkyerekyere do ma wosesa abeye Nyame nyimpa.

Okaa so de: Owo de yekaa de Kuran Kronkron dze akwankyere a oma nwomasua na ndzeyee mudzi. Dem ntsi ‘kyere hen kwan tsenenee no’ kyere de ehwehwe nyimdzii na “kwan no a hon a Owo ehuei Wo nhyira fa do no.....” so kyere noho dwumadzi no, ama no nsunsuado no edzi mu eso aye nwansanwansa. Se dua (Saphing) ennyimn yie a, onnkosow nhyiren anaade aba. Demara so na kwankyere a onnyi nsunsuado a odzi mu mapa no, oye kwankyere wui”.

Anohoba Mesia (ANN) no kaa de: Kuran Kronkron ye kwankyere a ne kadofu no nya mudzi na oma nkitahodzi a oda ono na Nyankopon Otumfo no ntamu nyin. Ne ndzeyepa a ofa Kuran Kronkron ne nkyerekyere do no nyin de dua a woehyira no, de mbre wakyere no wo Kuran mu no. Wosow aba a oma dew na nkahuam soronko.

Nsesa soronko ba nyia a ɔkenkan Kuran de mbre ɔwo de wokenkan no na odzi mbransɛm no do, ɔdze ndzeyɛpa a ɔkrɔn ba na ɔbeyɛ Nyame nyimpa na Nyankopɔn dze no ato dua a woehyira no. ‘.....ɔtse de dua papa a ne ndwow mu ye dzen na n’abasa no du sor ahenman mu’ (14:25).

Anohoba Mesia (ANN) no kaa de: Ɔrekyere iyi mu pefee no, ɔkaa de, Allah Kokroko No dze dem gyedzi yi to duaba na dua ho na nsutae a wodze gugu eduadzewa do. Kuran no dze to okuafo a odua eduaba ho na ɔto dza orudua no dzin de gyedzi ho eduaba. Nsutae a wodze gugu eduaba do ho dwumadzi na ndzeyɛ so ye edwuma. Dem ntsi ɔwo de yekaa de gyedzi a dwumadzi nnka ho no tse de ture a nsu anaa nsutsen nnyi mu. Dua behye wo ber a edua ewie no no wura no n’adwen annko do engugu do nsu. Gyedzi so mbre ɔtse ara nye no ‘Na hon a wofa Hen kwan do no..’ (29:70), ɔno nye de mma mpemdo nketsenketse ndoo wo so, dem kwan yi hia mbodzembɔ kese (Wokyerɛ ase fii Tafseer Kuran nkyereasee Vol.II pp.757-758).

Ampaara Ramadhan twe hen adwen ko (sunsum) mbodzembɔ ho. Ber a yeredwen Kuran Krɔnkrɔn ho na yereper ne ntseasee ho yi, ɔwo de yedze ne nkyerekyere ko nyee mu, ama yeaye de ndua n’abaa no ye amon na ahoozen wo mu a ɔtsen ko sor (ahenman) na ɔnye Nyankopɔn dzi ehya.

Iyiyimu no a yebɔ dzin wo nyamesemka yi ase no, Nyankopɔn atwe hen adwen ko nkyerekyere kumaabi ho. Dem nkyerenkyere gye hen abamba ko Taqwa ho., demara so na ɔye dze hen ko Nyankopɔn No ntoboa na adasa dze ho. Mbom, Kuran ne iyiyimu yi ne nkyereasee ma nkyerekyere no mu da ho. Huzoor bɔ dzin bio dze kae hen;

Mma mmfa obiara anaade biribiara mmbata Nyankopɔn ho.

Ye ayemuyie ma w’awofo honho ayeyedze wɔabra.

Mma hom nkumkum hom mba ɔnam ohia ho suro ntsi.

Nsumaamu asakasakabra no, hom nnyi no akwa, nokwar nye de mma hom mmben ho.

Mma hom nkum dza Nyankopɔn atsew ho.

Mma hom mmben ngyanka hon agyapadze ho.

Se ngyanka nyin ye mbabun a, hom mfa hon agyapadze mma hon.

Fa perperye ko nsanee mu.

Dzi nokwar na fa perper ko nyee do wo akwan biara mu, se woho nyimpa anaa wo dofo o! mma ɔnnye fintsidua wo iyi ho.

Pon w’anohoba na anohobadze.

Wo kwan biara mu no, bo mbodzen de ebetsena kwan tsenenee no mu.

Mbra a oddzi kan no bra hen de yedze biribi bebata Nyankopɔn ho. Eben nyimpa a ɔwo nyansa dze biribi bebata Nyankopɔn ho, Ɔno a Ɔabo hen na Osiesie hen adwen, hen nyimpadua na sunsum mu ahoozen na Ɔma hen nhyira nyinara? Eso nyimpa nntseadze ye Shirkn’ase pi. Mber biara mu naasetsena mu mber ako dem dwuma yi do na dem ntsi na Nyankopɔn N’akomhyefo hon asem a odzi kan no ye nye woye nkyerekyere tsia Shirk. Ampaara Shirk ye bon a onnyi fakye.

Anohoba mesia (ANN) no kaa de: “Bon biara wodze kye a ɔye yie mbom de edze biribi bebata Nyankopɔn ho no wommfa nkye. Ampaara de edze mbataho bebata Nyankopɔn

ho no ye bɔn kɛsɛ, (31:14) na ...nnkɛfa bɔn yi akɛ hɔn a wɔdɛ biribi bɛbata Noho (4:48). Ehwe a Shirk nkyerɛ dɛ erosom abosom a wɔdɛ mbobaa ayɛ ara kwa bi. Nokwar, ɔyɛ Shirk dɛ ihuhor wiadɛ ndzɛmba na ɛma wiadɛ abosom ye ehiadɛ ma wo. Iyi so ye Shirk, ampaara. Mfatoho a yɛdɛ to bɔn ne nyɛe ho tɛ dɛ erosom Huqqah, sɛ ɛregyae nom a ɔnnyɛ dɛn eso ɔnnyɛ atsetsee, na mfatoho a ɔda Shirk nye dɛ enom (opium) edubɔn a ɔyɛ su a egɛyae a ɔnnyɛ yie” (Wɔkyerɛɛ ase fii Malfuzat, Vol.6 pp.18-19).

Anohoba Mesia (ANN) no kaa dɛ Shirk gu mu ahorow ebiasa. Dza odzi kan nye abosomsɔr na som a wɔdɛ som ndua. Iyi nye Shirk a ɔtrɛ eso ɔko do daapem. Dza ɔtɔdo ebien a ɔyɛ Shirk nye yɛdɛ hɛn ho to akwan na ndzeyɛɛ bi do ɔnam do ma yɛka dɛ ‘sɛ dɛm anaa dɛm ennsi a nkyɛ mowuii’, iyi ye Shirk. Dza ɔtɔdo ebiasa a ɔyɛ Shirk nye ibu woho dɛ eyɛ biribi a wɔdɛ to Nyankopɔn ho. Dɛm mber yi a nyimdɛɛ abɔ apɛtɛ yi obiara mmfa noho nnhyɛ Shirk a ɔtrɛ mu, mbom mber yi mu a wiadɛ ndzɛmba etu kafo yi, Shirk a yɛdɛ hɛn ho to akwan na ndzeyɛɛ do adɔɔso dodow (Wɔkyerɛɛ ase fii Tafseer Kuran nkyerɛasee Vol.III pp.657).

Anohoba Mesia (ANN) no kyɛrɛɛ ɔsom mu dɛ: O mo nkorɔfo a hom nnsom Nyankopɔn No a ɔabɔ hom no, ɔno nye dɛ hom nhu dɛ hom dwumadzi nyinara nam No do na hom ntwer No.

“O hom nkorɔfo a hom nnsom Nyankopɔn No a ɔabɔ hom no,... ɔno nkotonoo na ɔsɛ dɛ wɔsom no na ɔno nye Tɛsɛsɛfo no na hom ndɔ ɔno nkotsee. Etuhoakɛ papa nye dɛ enye No dzi nkitahodzi soronko na biribiara nnɛ hwee wɔ N’enyim. Nyimpa a ɔdɛ ne mba mu anaa ɔdɔ n’awofo mbordo no, ɔdɛ n’adwen to no do aber biara, dɛm nyimpa no ye bosom som ne fa bi. Esom bosom nnkyerɛ dɛ esom bosom dɛ mbɛ Hindufo ye no nko, ɔdɔ mbordo so tɛ dɛ erosom bosom.

O mo nkorɔfo a hom nnsom Nyankopɔn no a ɔyɛ kor na onnyi mbataho biara no, ɔno a ɔbɔɔ hom na hom eɛyanom. ɔwo dɛ hom suro Nyankopɔn Tumfo no. ɔyɛɛ waidɛ ahomgyɛbea maa hom ɔnye sor dɛ akatado. ɔno a ɔdɛ nsu fii sor dwirii ama ɔnam eduaba do hom enya edzidzidɛ. Mma nhyɛ daa mmfa dɛm ndzɛmba no mmfam Noho nnyɛ pɛr; dza ɔabɔɛ ama hom no (Wɔkyerɛɛ ase fii Tafseer Kuran nkyerɛasee Vol. pp.454-455).

ɔrokɔ do kyɛrɛ som no su mbɛ ɔtɛ no, Anohoba Mesia (ANN) no kaa dɛ: ‘Siantɛsir pɔkyɛɛ a wɔdɛ bɔɔ nyimpa nye dɛ ɔbɔsom. Dɛ mbɛ wɔakyerɛ no wɔ beebi no ‘Na M’abɔ Jinn na Nyimpa dɛ wɔbɔsom Me’ (51:57). Nokwar som nye iyiyi ndzɛmbadɛn na nkɔnkyɛkɔnkyɛ akwa na ɔyɛ akoma no kwan no nwansanwansa dɛ okuafo adɔw no kwã.... dɛ mbɛ edur wɔadwow no mohemohe wɔdɛ gu enyiwa mu ɔyɛ yie . Dɛmara so na ɔsom ne gyinabew nye ber akoma no kwan no fi mbosadwe na nkyɛkyɛa nnyi mu na no mu tɛw ara ma ɔtwɛtwɛ ɔkra nwansanwansa ba. Sɛ ahwehwe wɔpɛpa enyim dɛm a obi hu n’enyim wɔ mu na sɛ wɔyɛ datɛ so dɛm a nduaba ahorow fir wɔ do. Dɛm ntsi sɛ nyimpa a wɔabɔ no dɛ ɔnsom Nyankopɔn, tɛw n’akoma ho a na ɔamma fi, mboseadwe na nkyɛkyɛa annka mu a, yɛbohu Nyankopɔn wɔ mu. Meka no bio dɛ Nyankopɔn No dɔ benyin ayɛ prɔmprom asow aba a ɔyɛ dɛw na odzi mu a ɔbɛtsɛna ho daadaa’.

Anohoba Mesia (ANN) no kaa dɛ mbɛ ɔbɛyɛ ma etum eɛyina Nyankopɔn enyim wɔ ahobrase soronko mu nye dɛ enye Nyankopɔn benya nkitahodzi soronko. Na ɔdɔ no wɔ dɛ

oye atsenkapa wo Obodze na nyimpa ntamu. Nyankopon ho do wo de oye dzen na nokwar ara na otum hyew nyimpa ne mberewye, de mbre nserema hyew biribiara a onye no dzi ehyia, na sunsum nndzi no do tum.

Iyi nye siantsir a onam do ma woboo hen, na iyi nye siantsir a oma yenya suahu wo Ramadhan mu na iyi nye osom ne ngyinado a Anohoba Mesia (ANN) tsetse hen wo ho. Susuampaara dem gyinabew yi enya no, nyimpa enya fahodzi efi Shirk ho. Ketseankyee Nyankopon ama yeasom No wo dem kwan yi do wo Ramadhan mu.

Mbra a otodo ebien nye awofu ho ayemuyie. Dem akwankyerere a otoa do yi dze ofir odomankoma. Osiandee hon a wotoa Nyankopon do nye awofu; hon na wohwe hen na wodandan hen. Nyankopon aka de: W'Ewuradze no ahye de mma hom nnsom obiara gyede Ono nkotonoo na hom nye ayemuyie mma hom awofu. Se hon mu kor anaade hon beenu nyinara nya nyinkyer wo wo nkyen a mma nnka asem a onnye obu anaa ntwuwenyim nnkyere hon na mbom ka asem a oye awerekyekyer kyere hon (17:24). Otofabi a awofu dze nsem ba a wobo mba a wonyim nwoma eso wowo abotar wo ndzamba ho de wonntua hon ntoboa mma hon eso wonnye hon nndzi no yie. Nkyerembaa kyere de hon nuanom manyin no nye hon awofu ye adwen wo mbre wosi kye hon egyapadze. Se awofu no kye hon egyapadze wo hon nkwaber mu a mba no ye dza onnye few. iynom so osi wo hen asetsena mu ma awofu dzi nsapan. Onam yi ha mbabun ye kutsirboa onam fahodzi dzin mu ntsi. Dodowara ka de mbofra nyin kodu mpenpendo bi a wobu hon de honara wodze hon ho, mbom ha dze fahodzi mmfa mpanyinye ho na iyi ye ntogon. Islam ne nkyerekyere feefew nnkyere ebufuw mma awofu, mbom de edze ayemuyie behye ayemuyie a awofu no yee no ananmu; se yereka dza nkye yennkotum atua hen awofu hon ayemuyie ho kaw.

Islam nkyerekyere feefew no kyere de 'm'Ewuradze hu hon mbobor de mbre womaa me akohomabodze wo me mbofraber mu no (17:25). Dem gyinabew yin a owo de yegyina. Dem mpaabo yi yebotum abo ama hen awofu wo ber a mpo woefi wiadze yi mu ekenya gynabew a okron wo Ndaankommba.

Anohoba Mesia (ANN) no kaa de: Nyankopon ahye de mma hom nnsom obiara ka Moho na hom nye ayemuyie mma hom awofu. Rububiyyat (Adom akyedze a oma isi gyina na oma wo akohomabodze) ye nwanwa! Abotoaba nnyi ahodzen biara ntsi ne maame dze ahweyie mapa hwe no wo dem gyinabewno mu ma egya no so ma maame no tsipia wo dwumadzi no mu. Onam Allah Sorsornyi N'adom ara kwa do aye akwan ebien a wodze hwe abodze a oye mberew do na Odze odo nwanwaso ma hon onam No do a no mu ye kann ntsi. Mbom owo de yekaa de awofu hon do no wo sigyina na Nyankopon No do si pi. Gyede akoma nya Allah Osorsornyi Ne nkenyan, ono nyimpa biara nnyi ho, se oye nyenko o! nsefo o! anaade ohen o! obotum ado obi. Oye esumadze a Nyankopon Ne Rububiyyat a odzi mu mapa de awofu bodo hon mba ara a ma wobegye hon yaw nyinara ato hon do wo nokwar a osi pi mu wo de worohwe hon dodoodow ma onam dem ntsi wonntwetwe hon ase de wobowuwu dze aper hon ba no nkwa.

'.....mma hom nnka nsem a oma ebufuw eso oye ntwuwenyim, mbom ka nsem a odzi mu mapa kyere hon. Okyere de mma nnkasa ebufuw do nkyere w'awofu na mma nnka dza ommfa obu mma hon gyinabew. Dem nyiyimu yi wokaa kyere Nkomhyenyi Kronkron

(NNN) mbom no korakorɔ nye de wɔdze asem yi rema Ummah (Nkomhyenyi no dom no) osiande Nkomhyenyi Kronkron (NNN) n'awofo no daan hon ho wo ne mbofraber mu. Dem akwankyerɛ yi ye esuamasem na mbre ɔtse nye de onyansafo bohu de wɔrekasa kyere Nkomhyenyi Kronkron (NNN) de ommbu n'awofo na onhu hon kɛseye wo dza oka kyere hon; se ɔtse dem a nna eben obi nna ɔwo de nkorɔfo dze ma hon awofo? Na ma iyiyimu a otsia eben nye iyi: 'Mma hom nnsom obiara ka Moho, na kyere ayemuyie ma awofo....'. ɔkyere de wo Ewuradze ahye wo de som No nkotsee na ye ayemuyie ma w'awofo. Dem nyiyimu ye nhye ma hon a wɔsom abosom no de abosom nse hwee na abosom nnyi enyimpa biara mma hon, nnye hon na wɔbɔɔ hon eso wɔannhwe hon wo hon mbofraber mu. Se Nyankopɔn pe de wɔdze No si nkyen som obi a nkye ɔbema wɔasom awofo osiande wɔma yenyin na wɔhwe hen wo adze nyinara mu; na obiara nnoma na mbowa mpo wotwitwa gye hon mba wo hon mbofraber mu. Dem ntsi Nyankopɔn Ne Rububiyyat ekyir no hon (awofo) so wo Rububiyyat na hon Rububiyyat yi n'ahodzen fi Otumfo Nyankopɔn nkyen no (Wɔkyereɛ ase fii Tafseer Kuran nkyereasee Vol.3 pp.59-60).

Dem nye awofo hon gyinabew a ɔwo de wɔhwe. Hadith ka de Nkomhyenyi Kronkron (NNN) enyinguase nka nya ohu n'awofo hon mpanyinyemu na o'ennyaParadise ɔnam de ɔansom hon ntsi.

Mbransɛm a ɔtodo nye..... 'mma hom nnkumkum hom mba ɔnam ohia ho suro ntsi...'. Iyi wo nkyerease pii. Islam ne nkyerekyere fɛɛfɛw nye de abakamba wɔhye hon de wɔnhwe awofo yie na mma wonka nsem a ɔdze ayawdzi bre hon, se mmpɛ dza wɔye no mpo a, ɔwo de eye ayemuyie na setsie ma hon. Bio awofo so wɔhye hon de wɔntsetse hon mba yie na mma wɔmma ohia nnto hon wo kwan mu. Wɔmma hon adwen nkɔ hon nwomasua do na mbre wɔye tsetse hon do amma wonnwie de woewuwu wo sunsum mu. Ber a Nyankopɔn dze awofo gyinaa Rububiyyat gyinabew no, ɔyɛɛ no nhye maa hon de wɔnhwe hon mba na mma wɔnnkumkum hon. Mbom onyansafo biara nnyi ho a oboku ne mba kwetsir nyia oonyi gyinabew, onnyi gyinasi anaa hon a hon were efir Nyankopɔn no. hwe, yetaa tse de nnanom kumkum hon mba a wonya mboa fi hon nwewe nkyen na aman a wonntu kafo wo mpontu mu no, yetse de awofo dze hon mba ka hon ho hyew honho, ɔnam abawpa na adwen a onnsi kwaa ntsi. Nkyerease kor a ɔwo iyi ho...mma hom nnkumkum hom mba' Nye de wɔnhwe hon mba yie wo hon ntsetsee mu.

Binom nnya mber na adwenkɔdo mma hon mba ɔnam edwumaye ntsi, na nnanom kasa fa egyanom ho de ɔnam de wɔnntsena fie ntsi mba no afa hon tsir asoa. Se mbofra nyin du ber a wɔsesa ɔbra mu a, wohia egya no ne nkitahodzi na n'anyekoye osiande wosua ndzeyɛhun pii fi aboano. Iyi nye su a wodua do kum mba. Egyanom beka de wɔsɛɛ mber dze ye edwumadzen dze nya birib hwe mbofra na eben papabi na ahonya ye wo ber a ɔma mbofra yew hon kwan? Adze kor so a ɔfa iyi ho wo wiadze n'atɔɛ afamu a yehu no wo Jama'at yi mu nye de nnanom kɔ edwumaye anaa hon adwen nnkɔ fie ddwumadzi ho na wɔsɛɛ hon mber wo beebi. Se mbofra no ba fie a, obiara nnyi ho a n'enyi bɔkɔ hon ho. Dem nnanom yi ka de wɔye edwuma dze boa fie sikasem ho, na se wɔba fie wo ber a wɔabre a hon adwen nnkɔ mbofra no ho na woyi hon akwa na iyi ka hon dodow. Mbasiafo kumaabi na wɔye edwuma dze boa honara honho. Mbasiafo binom a wɔye edwuma ka de ɔse fata de

wokɔ keye edwuma ɔnam hɔn kunom enyiahafo no ntsi. Dem kunom yi wɔde wosuro Nyankopɔn ɔnam ‘mba hɔn nkumkum’ ne farbaa fi hɔnara.

Hadhrat Musleh Maud (NN) kaa no ber bi de, se ɔbaa a ɔafa efur ennya edzibanpa a ohia a, iyi ma ba a wɔnnwo no no ye mberew, na iyi so ye ‘okum’. Okyerɛ awow nhyehyɛ a ɔnam ohia ho suro ntsi. Nyinsan ntugu, wɔma ho kwan wɔ ber a nã no ne nkwa da ogya mu, na iyi ara nye siantsir. Nyankopɔn ka de ‘...Ehen na yɛdze ma hom na yɛdze hɔn so...’ na Ampaara hɔn ekumkum ye bɔn kɛse’ (17:32). Muslimfo nokwarfo nnkotu dem anamon yi. Se wogyaa bɔn akɛse no ye mpo a nna bɔn nketsenktsel!

Ɔwɔ de hen adwen kɔ mbofra do na yenya ber ma hɔn. Hɔn nwomasua, wɔnye Jama’at ho nkitahodzi, ntsetsee papa eso noho tsew wɔde yɛma ɔye ehiadze. Dza atwa fie ho hyia wɔde yɛma hɔ tsew wɔ mbofra ntsetsee ho ama mbofra denyin abeyɛ mfaso ama ɔdodow asetsena. Ampaara de ɔye awofo hɔn asodzi de wɔbetsetse mbofra wɔ kwanpa mu na nwomasuapa mu. Ɔbɛwie yie de awofo nnkedzi hɔnara hɔn apɛdze ekyir na mbom wobɛnya mber na wɔahwɛ hɔn mba. Egyanom nnkotum aka de ɔye nnanom no hɔn dedwuma de wɔbetsetse mbofra no demara so na nnanom so nnkotum aka de ɔye egyanom no hɔ edwuma. Nokwar nye de ɔye ekuw ebien nyina de wɔbɛka ekua na wɔatsetse mbofra no. Mbofra nya ntsetsepa ber a nã na egya nyina ye hɔn ahyɛdze de mbre ɔse. Hwɛ (wɔ wiadze witɔree afamu)baako-awofo pii ma mbofra resee. Mbofra nwomasua bea tsetsee wɔ mbofra a wɔtse dem ho de mbre ɔtse ma apolisifo no. Mbofra a wodua dem kwan bɔn yi do wɔ hɔn ahyɛse no, mber pii wɔdze hɔnho bɔ nwuradan kuw ho.

Ɔye ehiasem papaapa de awɔrgyaa ama no mu do dodow ma ɔresɛ mbofra nkaanka mbofra wɔ awar no mu a. awofo wɔde wɔdze hɔn ahwehwɛdze na hɔn pɛ bɔ afɔr ɔnam hɔn mbofra no ntsi.

Ketseankye Nyankopɔn aboa hɛen ma yeedzi Kuran Krɔnkrɔn no ne Mbransɛm no do wɔ Ramadhan bosom yi mu. Mbransɛm ebiasa (fi Kuran ne nyiyimu a yɛkenkanee hyɛ nyamesɛmka yi ase) na yekyerɛkyerɛ mu wɔ ndɛ nyamesɛmka yi mu, nkaa no yɛbɛkyerɛ mu wɔ mber fofoe bi mu.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us